

# 歸途（四首）

辭海南島陽江農場探家

陳關榮

一九七三年一月

## 其一（十七日）

月染紅霞樹影疏， 椰林一路舞婆娑。  
山鄉水色層層綠， 島國江流陣陣波。  
百鳥爭喧傳喜意， 千帆競發起漁歌。  
常言此地春來早， 日暖人勤捷報多。

## 其二（兩首）（十九日）

一

汽笛長鳴破霧曦， 瓊州島外見豐姿。  
飛鷗點點盤梳舞， 拍浪聲聲伴我思。  
萬頃碧波一海景， 千般樂意滿船詩。  
心中猶記良師話， 會有穿風挾浪時。

二

夜色灰蒙雨意微， 憑欄失月浪沾衣。  
天低自古傷人感， 海闊如今任鳥飛。  
何懼惡天風與霧， 祇嘲懦者怯和悲。  
諸君不見前頭岸， 已是雲霞現朝暉？

## 其三（廿日）

珠海漁帆抹金霞， 船頭擊水水生花。  
舉網張目魚歸網， 破浪乘風我到家。  
喜見羊城春意滿， 欣聞馬路人語嘩。  
適才吃罷陽江飯， 父老迎斟本鄉茶。